

Denyingj Vah Minzcuz Haeuj Mbanjyauz Fuconh

民族语言电影进富川瑶乡

7 nyied 20 hauh, vih ciepcoux dangj cibgoudaih ciuhai, gaenxmaenx doihaeuj vwnzva ikminz gunghcwngz, fungfouq vunz lai siujsoq minzcuz dieggyae vwnzva swnghhoz, henhoh minzcuz daih doxgiel, henhoh onjdingh sevei caeuq cau h ndei vanzging sevei vah minzcuz vwnzva, Hocouh Si Minzcunghvej, Minzyijvej youq Fuconh Yauzcuz Swciyen Sinhvaz Yangh Mbanjmoq Huzgvangj gawjhengz “Minzcuz Daih Doxgiel Angqcoux Cibgoudaih” denyingj vah minzcuz haeuj mbanj hozdung.

Ciuq cam rox, Hocouh Si giva bineix 7 nyied faenh daengz nienzdae yae bae daengx si Boubxcuengh, Yauzcuz 50 aen mbanj miz 1000 vunz doxhwnj haenx cuengqingj 50 ciengz denyingj vah minzcuz.

(Cau Ginhbinh/赵金宾)



▲ Aen ci riuzdoengh cuengq denyingj lajmbanj.



▲ Yienhciengz cuengq denyingj.



▲ Daihhagseng soengq vwnzgi hawj gyoengq lwgnyez.

Yungzsuij: Daihhagseng Cien Leix Daeuj Yien Fwngz “Lwgnyez Louzyouq”

融水:大学生千里牵手“留守儿童”

7 nyied 19 hauh gvaqdaeuj, 20 boubx daihhagseng gagnyienh haenx daj Fuzgen Swngj “diglanghvaiz banghag”, daeuj daengz Yungzsuij Myauzcuz Swciyen Dalang Cin Sanglij Cunh, Yalij Cunh caeuq Liengzcai Yangh Dangzgouj Cunh, faenbied hawj 250 boubx lwghag siujsoq minzcuz lwgnyez louzyouq haenx, guh diuqfoux, ciengqgo caeuq sonyinx simleix, ancienz gyauyuz daengj gungh 40 ngoenz sonbang hozdung, sawj gyoengq lwgnyez gamjsouh daengz sevei gyaezhoh caeuq raeujrub.

(Lungz Linzci/龙林智)



▲ Daihhagseng son gyoengq lwgnyez diuqfoux.

Yungzanh: Swnghdai Ciengxvaiz Vutgungz Caeuq Baujhoh Vanzging “Sueng Fungsou”

融安:生态养牛脱贫和环境保护“双丰收”

Gaenh geij bi neix daeuj, Yungzanh Yen Swdingj Cin gaenxmaenx hwngfat canjyez “swnghdai ciengxvaiz”, doenggvaq hwngfat aen mozsi swnghcanj “gunghsw + gihdi + nungzhoh”, doigvangq “ciengxvaiz—caujgi—fazden—ndaem oij (ndaem mak)” daengj swnghdai ndaem ciengx, yinx caeuq daiqdoengh hohgungzhoj seiqhenz gyahaeuj diuz lienh canjyez aeu dajciengx vaiznoh ma guhcawj neix, hawj gyoengq hohgungzhoj youq ndaw ciengzciengxvaiz guhhong, gajgez gyoengq hohgungzhoj guhhong vwndiz; doengzseiz, gamhanh ndei doihduz dajciengx doiq vanzging uqlah, demglai gyoengq hohgungzhoj souhaeuj, saedyienh canjyez demsou vutgungz muzbyauh caeuq baujhoh vanzging “sueng fungsou”.

(Danz Gaijhingh/谭凯兴)



▲ Doengh duz vaizlwg youq ndaw riengh gwn nywj.

Lozcwngz: Lwgnyez Mulaujcuz Haeuj Dounding Hag Siuhfangz Bingzan Angq Gvaq Sujgyaj

罗城:佬佬娃走进红门学消防 平安快乐过暑假



7 nyied 22 hauh, Lozcwngz Mulaujcuz Swciyen Siuhfangz Dadui caiq gawjhengz mbat “ngoenz haicuengq siuhfangz”, yinx ndaej haujlai lwgnyez Mulaujcuz byaij haeuj aen dounding bae hagsib siuhfangz cihsiz, lij ndaej daejmienh siuhfangz swnghhoz, bingzan angq gvaq sujgyaj.

(Mungz Cwnghsw/蒙增师)

◀ Gyoengq lwgnyez youq siuhfangz guenbing sonyinx lajde hagsib sawjyunh siuhfangz gicaiz.